

— **Brjef landshöfðingja til amtmannsins yfir norður- og austuramtinu um útreikning á útflutningsgjaldi af síld.** — Í þóknanlegu brjefi, dags. 10. marz p. á, hafið þjer, herra amtmaður, leitt athygli mitt að því, að sýslumennirnir í Eyjafjarðarsýslu og Norðurmúlasýslu fylgdu þeirri reglu við útreikning útflutningsgjalds af síld samkvæmt lögum 4. nóv. 1881, að þeir teldu 108 potta síldar vera í hverri útfluttri tunnuni, þótt hún tæki undir það 120 potta, með því að þeir álitu, að reikna bæri frá salt það, er látið væri í tunnuna, svo að hún í rauninni aldrei innihjeldi meira en svo sem 100 potta, og með því að þjer nú hafið álitid, að þessi aðferð nefndra sýslumanna væri eigi rjett, en að greiða beri útflutningsgjald af öllu rúmmáli tunnanna, að meðtöldu saltinu, þarsem lögin hljóti að hafa gjört ráð fyrir því, að salt væri látið í þær með síldinni, þá hafið þjer skotið því til mín, hvort eigi sje ástæða til að brýna fyrir hinum nefndu tveimur sýslumönnum að taka gjaldið af hverri tunnuni eins og hún flytzt út, án þess að draga frá saltið, sem í henni væri.

Útaf þessu skal yður þjónustusamlega tjáð, að jeg er yður samdóma um skilning þann á 2. gr. 5 í lögnum um útflutningsgjald af fiski og lýsi o.fl. frá 4. nóv. 1881, sem þjer hafið látið í ljósi, og vil jeg þessvegna biðja yður að leggja fyrir sýslumennina í Eyjafjarðarsýslu og Norðurmúlasýslu að reikna eptirleiðis útflutningsgjaldið samkvæmt þessu.

— **Brjef landshöfðingja til sýslumannsins í Suðurmúlasýslu um meðferð sýslunefndarinnar á styrknum til eflingar búnaði.** — Samkvæmt tillögum sýslunefndarinnar í Suðurmúlasýslu, er þjer, herra sýslumaður, skýrðuð mjer frá í þóknanlegu brjefi, dags. 8. f. m., samþykki jeg hjermeð, að af þeim 520 kr., sem tjeðri sýslu eru úthlutadar fyrir 1884 af fjenu til eflingar búnaði með auglýsingu minni 1. marz p. á., sjeu veittar sem verðlaun fyrir jarðabætur Guðmundi bónda Einarssyni á Flögu í Skriðdal 250 kr. og Arnfinni hreppstjóra Jónssyni á Arnhólstöðum 70 kr. Þarómóti get jeg ekki fallizt á þá tillögu sýslunefndarinnar, að þær 200 kr., sem eptir verða af ofangreindum 520 kr., sjeu aðeins veittar sem rentulaust lán í 5 ár og sjeu þannig geymdar handa sýslusjóðnum til ráðstöfunar síðar meir, og verð jeg að álíta, að það hafi verið tilgangurinn með styrk þeim, er hjer er um að ræða, að hann yrði allur notaður á því fjárhagsári, sem hann er veittur fyrir.

Samkvæmt þessu sendi jeg yður hjermeð til frekari ráðstöfunar jarðabókarsjóðs-ávisun fyrir 320 kr. af ofannefndu fje, en vænti frekari tillögu um, hvernig þeim 200 kr., sem eptir eru af styrknum fyrir þetta ár, skuli varið.

— **Brjef landshöfðingja til sýslumannsins í Þingeyjarsýslu um endurgjald á tolli af brennivíni er lekið hafði niður.** — Með þóknanlegu brjefi, dags. 29. marzm. p. á. hafið þjer, herra sýslumaður, sent hingað erindi Tryggva kaupstjóra Gunnarssonar þar sem hann fer þess á leit, að Gránufjelagið fái endurgoldinn toll af 184 pottum af brennivíni, er lekið höfðu niður af vínföngum þeim, er fluttust hingað til landsins í fyrra vor með skipinu Rota.

Útaf þessu skal yður þjónustusamlega til vitundar gefið, að með því að engin sönnun er framkomin fyrir því, að hinn umræddi leki hafi orðið áður en skipið var að

20. d. septbrmán: 1884.

100  
22.  
júli

101  
21.  
ágúst.

102  
22.  
ágúst.

**102** öllu afgreitt að tollinum til á Raufarhöfn þar sem skipverjar urðu hans fyrst varir hjerum-  
22 ágúst. bil mánuði seinna en tollafgreiðslan átti sjer stað og eptir að skipið var farið frá Rauf-  
arhöfn, hafði komið við á Oddeyri og var komið á Kolbeinsárós, þá getur hinn um-  
ræddi tollur eigi orðið endurgoldinn Gránuffelaginu.

Þessi úrslit málsins bið jeg yður tilkynna kaupstjóra Gránuffelagsins.

**103** — Brjef landshöfðingja til stiptsyfirvaldanna um lán til jarðabóta handa Tjarnar-  
25. ágúst. prestakalli á Vatnsnesi. — Samkvæmt beiðni prestsins á Tjörn á Vatnsnesi, sjera Jóns  
St. Þorlákssonar, er fylgdi þóknanlegu brjefi yðar, háæruverðugi herra, frá 10. maí þ. á.,  
hefi jeg veitt nefndu prestakalli 500 kr. lán úr viðlagasjóði til endurbóta á túni og  
engjum prestssetursins þar, og ber að endurborga lán þetta með 4% vöxtum af tekjum  
prestakallsins með  $\frac{1}{10}$  á ári í 10 ár.

Þetta undanfelli jeg eigi hjermeð þjónustusamlega að tilkynna hinum heiðruðu  
stiptsyfirvöldum til þóknanlegrar leiðbeiningar og birtingar fyrir ofanefndum presti, og  
skal jeg um leið geta þess, að ef prestaskipti skyldu verða í brauðinu áður en lán það,  
sem hjer er um að ræða, er að fullu endurborgað, ber að taka út jarðabætur þær, er  
unnar hafa verið fyrir upphæð lánsins, eins og annað, er prestakallinu tilheyrir.

**104**

28. ágúst.

### A n g l ý s i n g

fyrir sjófarendur.

Til leiðbeiningar sjófarendum verður frá 1. okt. 1884 ljósker yzt á Garðskaga í  
Gullbringusýslu, er sýnir stöðugt hvítt ljós alla nóttina. Ljóskerið er á stöng, hjerumbil  
34 fet yfir yfirborð sjávarins, og sjest ljósið hjerumbil 6 kvartmílur í björtu veðri.

Ljóskerið er undir  $64^{\circ} 4' 30''$  norðlægur breiddar og  $22^{\circ} 45' 0''$  vestlægur  
lengdar frá Greenwich, og verður kveikt á því á ári hverju frá 1. okt. til 1. apríl.

Reykjavík 28. ágúst 1884.

Landshöfðinginn yfir Íslandi.

Bergur Thorberg.

**105** — Brjef landshöfðingja til amtmannsins yfir norður- og austuramtinu um lán útaf  
2. sept. fjárkláðanum. — Með brjefi þessu veitti landshöfðingi jafnaðarsjóði norður- og austur-  
amtsins 2000 kr. bráðabirgða-lán úr viðlagasjóði til að standast kostnað þann, er leiddi  
af ráðstöfunum þeim, er gjörðar hafi verið eða gjörðar kynnu að verða útaf fjárkláða  
þeim, er gjört hafði vart við sig fyrir norðan og austan, og skyldu af láninu greiddir  
4% í vöxtu árlega og það sjálft endurborgað með 500 kr. á ári.

**106** — Brjef landshöfðingja til amtmannsins yfir vesturamtinu um skil til landssjóðs  
3. sept. á smjörleigum úr Arnarstapa- og Skógarstrandarumboði. — Með þóknanlegu brjefi  
dags. 27. f. m. hafið þjer, herra amtmaður, sent hingað erindi umboðsmanns Arnar-  
stapa- og Skógarstrandarumboðs og jarðarinnar Hallbjarnareyrar, þar sem hann ber sig  
upp undan því, hve örðugt og kostnaðarsamt það sje fyrir sig, að hlýðnast ákvörðuninni